

光緒重修安徽通志

重修安徽通志卷二百五十八

人物志

義行 十二

鳳陽府

唐李相壽州人母李媪酤酒市中王緒微時從媪貰酒數負責
又醉毀媪酒舍相怒欲毆之媪躡其足遂止緒舉兵相隸部下
從入關緒爲王潮所殺相匿其孤建齊以其少子易名而相呼
軍中果索建齊少子應之遂見殺建齊從相居軍中冒李姓

春秋閏
世家

明李賢懷遠人家不豐而好施凡公私營建必竭力以助嘗拾
遺金懸於門無認者乃增資買香木雕大士像供之佛寺後於
路復見遺金遂去之不顧天順閒饑與同邑錢忠張友盛各輸

粟四百石備賑詔旌其門

懷遠縣志

袁鏜懷遠人孝事孀母重義好施歲饑輸粟爲倡力辭冠帶學訓張天佑卒於官無以斂鏜以百金桐板治棺贈之且資之歸平居濟親族賙急難義行尤多

江南通志懷遠縣志

高翔壽州人正統五年以麥三千石助賑至十四年又與華嵩劉福各出穀二千五百石助賑旌爲尙義之門

壽州志

張敏壽州人正統四年出穀二千五百石助賑以羊酒立坊旌

壽州志

張簡懷遠人正統五年輸小麥一千三百石賑饑景泰四年復

輸粟三百五十石敕賜冠帶旌爲義門賜璽書褒勞

明史孝義傳敘江

南通志

廖冠平懷遠人正統五年輸小麥一千一百石助賑弟冠正冠

王景泰閒各輸粟五百石助賑俱奉敕旌爲義門賜璽書褒勞

明史孝義傳敘

江南通志

鄒茂江浩謝旺俱定遠人正統六年皆以義行旌表

定遠縣志

毛讓邊亨俱壽州人正統七年出穀二千五百石助賑

壽州志

曹格靈璧人父卒於官無還資格負母舁櫬躬備艱辛始得歸

姑蘇有陸姓者賃屋格旁豢馬積五百金將死以屬格格爲之

斂召其子以金付之其子初不知也陸本蘇之望族有顯者知

其事遂以孝廉特薦歷仕魚臺主簿卒祀鄉賢

江南通志靈璧縣志

沈金宿州衛庠生以祖蔭襲指揮同知居鄉好義立義學義社

義冢凡族里婚喪不舉者多所周卹妻亡獨居三十年不再娶

以子一元封昭勇將軍祀鄉賢

宿州志

黃金字良貴定遠人成化甲辰進士歷官廣西參政歸里後值

歲饑民疫設法賑濟自爲廠煮粥全活數千人著有東澗集泉

山稿

江南通志

孫守信宿州人慷慨好施鄉里待以舉火者數十家有託以孤子并三百金者爲撫之成立而後付之封識如故

宿州志

孫政懷遠人居縣北清溝之陽春雨秋霖淫潦泛濫涉者病焉

政爲建石橋木橋各三座以通往來今稱其地爲石橋集

懷遠縣志

胡瀄壽州人正德閒出穀賑饑嘗拾遺金還其人又買婢已成

詢其爲償失馬價銀也遂如數與之歸其女

江南通志

梁鎧壽州人正德閒饑通賦者多遭追比鎧盡爲完納有塋產

瑞芝之異

壽州志

張連壽州人遇急難拯濟不遺餘力嘉靖閒饑盡出所積以貸

人不責質

壽州志

徐彥良懷遠人歲歉與弟彥聰捐資賑粥且施棺數百瘞道殣

者

江南舊志

沈盈懷遠人以賣飯爲業蒙城里長解餉赴府遺銀百兩爲盈

所得次日回覓盈卽以原袋付之酬以金不受

懷遠縣志

宋義懷遠人嘉靖閒饑捐粟千石不受冠帶撫孤姪恩義備至

卹貧睦親掩骼瘞殣義無不爲

懷遠縣志

趙登雲宿州人萬厯閒畿輔饑輸粟三千石助賑詔優獎之子

光大天啟時方震孺爲逆璫所逮親知莫敢近光大迎餞於苻

離且資以金後事解震孺著報恩錄紀其事

宿州志

龔一隆壽州人家貧業醫值寇亂有徽客遺金三百兩於空室

一隆拾而藏之俟其還付之

壽州志

鄭倉壽州人嘗獨力建橋置義冢四輸粟千餘石以貸貧民

壽州志

志

方大寬壽州人父臨終以千金付大寬且屬之曰俟爾幼弟長才則與之及長能治生大寬以遺命出金付之而弟初不知也崇禎時流寇突至御史方震孺家居率眾拒守大寬罄資助餉城賴以完

壽州志

國朝程奇肇鳳陽人本徽郡人嘗販豆過長淮時流寇未靖難民千餘人臨流無渡奇肇以豆船十餘艘濟之令量力攜豆爲糧船爲之空其後復過淮受惠者知之登舟謝強畱之爲宅以居

遂籍鳳陽

鳳陽縣志

周達延臨淮人順治閒饑捐米三百石助賑

鳳陽縣志

邵光先懷遠人嘗獲遺金三百餘兩守其人還之其孫蘭蕙二人尚幼亦還醉客銀一百二十兩

懷遠縣志

方遠字履雲懷遠人明末歲貢少受學於方震孺震孺以闕禍逮繫遠傾貲救之由是知名庚辰歲荒人相食糶粟萬餘石以賑又與靖南伯黃得功善得功被逮遠率士民籲請巡撫史可法奏白其冤比釋還潛桐二邑爲流賊所圍已久時得功方統兵往六安遠趨軍門請兼程赴救潛桐得全遠之力也得功偏將馬小山以女妻遠後小山歸

國朝封侯薦遠爲京推官以親老不赴

懷遠縣志

力勦遠之弟膂力過人明末聚鄉勇保守村莊佐縣令屢殲巨寇時調發川兵及壽春兵擾害更甚於賊獨憚勦威名不敢肆後馬小山薦爲京營守備亦以親老不赴

懷遠縣志

方之鈞懷遠庠生有田百頃悉以分給貧族負券累千百金悉

焚之

懷遠縣志

宋無塵懷遠人康熙閒饑出粟賑濟全活無算弟無亢嘗捐三千餘金建芑河之上橋卽今仁聖橋無塵之孫昕庠生與宋昱宋起元捐資修明倫堂開青雲路建儒學門膠序聿新宋氏有功焉

懷遠縣志

劉起鳳陽人嘗拾遺金數百兩坐候兩日始得舉還其人叩姓名不答同邑庠生魏朝柱拾遺金百兩覓其人還之

鳳陽縣志

田樂泉靈璧釀酒者一日於甕頭得遺金一封還其人同邑徐謙光得遺金百久俟不來歸命三子迭候之旬有五日始得其人還之又張璵者於蘇州市中得遺金密訪兩日得其人還之

靈璧縣志

尹國泰靈璧人四十無子妻爲置妾詢知爲良家子從夫宦游被寇掠至此國泰卽日遣居別室訪其夫資而還之

江南通志

陳懷禮靈璧人有飢民王姓者以妻爲妹賣於懷禮作妾詢得

其實卽日還之

江南通志

劉應試宿州人嘗路拾遺金追而還之同邑朱輝光石小二皆農夫俱以遺遺金聞又有單文多者見道旁有遺金千兩坐而守之其人至驗實付之傅振輦者拾遺金封號有吳懷川字出帖招之至而付之監生楊維尙者於路得遺金二盒久候不至鳴於官而貯之庫

宿州志

李長典宿州人嘗遊滁州見一人將求自盡詢之乃懷銀三十兩償官債爲盜所劫遂如數與之且脫裘以贈其人得不死

宿州志

丁伯雲宿州人候選知縣族有丁擇善者病故其妻劉氏方娠赤貧無依或勸改適劉以死自誓伯雲嘉其志節遣妻迎至家

數月生子易伯雲撫育教誨不異己子後易成進士官廣東觀

察伯雲未嘗有德色

宿州志

戚雲鵠壽州人以木工爲業有徽人謝金英寓所火以箱授之時倉卒未詳姓名也火息訪而還之箱內白金如故

壽州志

宋傑三壽州人嘗拾遺金二百兩候不至攜歸藏之兩年後遇其人詢其年月與銀數合舉而還之同邑趙育化亦還遺金百

兩

壽州志

黃應麒壽州人性孝友母病奉侍盡誠及卒哀毀如禮以家產讓二弟嘗遇自盡者救之得活知爲鬻子失金故乃贈金如數

遣歸

江南通志

胡洪璋壽州人業醫所得必以給寡嫂及兩弟弟涵一亦遵其教嘗拾遺金百兩訪知爲邵某所遺舉以還之

壽州志

邢對壽州人事母孝嘗還人遺金子兩甘亦以孝稱同邑馬化

亦以還遺金聞

江南通志

楊文章壽州人歲饑出粟以濟族人嘗拾遺金俟其人還之

鳳縣志

林恩鳳陽臨淮鄉人邑東司家村舊有土橋不時衝沒恩捐資改建石橋人不病涉又置義冢施棺木數年不倦輸粟賑饑卹貧焚券義行甚多

鳳陽縣志

林澍懷遠人乾隆戊戌黃水溢歲饑煮粥以賑存活者數萬人子中桂能承父志嘉慶元年修學宮捐二千金又建亭於巽方又捐二百金生息爲鄉會試者費葺祠宇置義田凡諸善舉隨時行之

懷遠縣志

湯敬鳳陽臨淮鄉增貢世居懷遠每冬製絮襖百領以衣貧寒

施藥以起疾病建茶菴以惠行旅造文昌閣以振文風有田在
亳州蒙城值歲歉曰吾食其利而膜視其人乎盡捐所入以賑
之嘗客遊吳爲蘇撫湯文正所知贈以額曰處善循理懷遠縣志
孫珩字侶蒼壽州庠生州城西北有涵河以資宣洩乾隆乙亥
淮溢由洞口倒灌入城圍廬淹沒珩鳩工相度築月牆石壩開
門水患永息又倡修學宮築南門護岸修東門大橋皆獨力肩
任不惜鉅萬卒年八十五壽州志道光九年奉

旨祀鄉賢祠

壽州志
新増

楊時倬懷遠諸生乾隆間捐修大成殿又於渦河岸築石馬頭
壬午癸未浹年荒歉賑粥平糶全活無算子大成亦捐資獨修
學宮戟門懷遠縣志

楊潤懷遠諸生考授州同知母年九十患目疾日奉而舐之長

兄罹大獄詣官求代不許仲兄嫂早逝遺孤廷瑤甫七歲撫而教之不異己子每歲暮必蓄錢百十千以應告助者家由此落而罷勉行之終不悔廷瑤邑庠生亦能好義文筆峯青雲樓皆其創建

懷遠縣志

楊時遇懷遠人平居賑饑卹貧義無不勉嘗屬其子大勳大奎等重建學宮兩廡後勳等復修戟門建魁星樓能成厥志

懷遠縣志

方熙定遠人性孝友乾隆丙午饑捐銀三千兩賑粥全活無算夏大疫施藥施棺又修爐鎮橋通濟橋不惜重資葺郡考棚士

林戴德

定遠縣志

劉明宗鳳臺人乾隆丙午歲饑爲粥以食餓者自冬至春全活

無算

鳳臺縣志

劉天行懷遠人候選州同乾隆丙午嘉慶辛酉歲皆大饑凡捐

一千五百餘金助賑子尚志尚友嘉慶辛酉捐一千一百八十金助賑又潘名煥候選州同嘉慶辛酉捐一千一百七十餘金

助賑

懷遠縣志

方若桂鳳臺歲貢嘗赴省試拾遺金數百兩俟其人還之

鳳臺縣志

孫蟠字石舟壽州增生

旌表

孝行監生士謙之弟也

據奏案增

父珩臨終以義事屬二子使行之遂

遵遺命更推廣焉士謙歿子克任率其諸弟事蟠如父蟠視之如子壽州淮淝交匯往來所經有橋三已傾圯蟠與諸姪次第成之易木以石更於其西增置一橋嘉慶五年水災請於有司設二廠分男女煮粥按口以給凡三閱月大憲綜其事以奏奉

上諭

給蟠道銜克任給同知銜壬戌州又苦旱仍以粥賑八十餘日日

萬餘人事聞奉

旨加賞大緞二疋以示鼓勵甲子春州遭屢歉人益困復行賑粥遠方就食者日四萬人計時月所費三萬六千餘金堅辭議敘年七十時辭戚友稱祝命子克佺等製棉衣二千餘領以給貧人又每歲散錢米衣物等行之數十年不倦

壽州志

孫克仔字莘臣蟠歿後願有未畢者與羣昆季終其事鳳陽考棚苦偏仄以錢三千餘緡增置十楹又以錢二千四百餘緡權息製棺通給城內外不限以地又重修學宮計費萬八千餘金未成而卒其弟克佺率諸弟繼成之壽州至合肥有高橋捐資命克佺督成費四千餘金其他義舉不可勝紀先是以理問蒙恩加同知銜後以歲旱平糶議敘復加運同銜卒年七十有五

壽州志

孫克儀文生孫克佺耶中俱壽州人嘉慶甲戌歲旱各捐資賑饑平糶克儀別出資繕謀樓設義渡修街道又孫克偉獨捐錢

二千緡爲歲修橋梁經費

壽州志
新增

方承永字祚遠壽州歲貢喜施于嘗以藥餌濟人子新能承其

志嘉慶十九年捐重資以助賑議敘主簿

壽州志

王心字惟一壽州人候選同知兄言以足疾廢生計心以己田三十餘頃奉之嘉慶十九年命子舉人會出穀助賑得議敘不

居宗族賴以舉火者數十家

壽州志

趙孔德壽州人曾官浙江運副正陽鎮北門外有福公橋長五里歲久傾圯孔德捐資獨修民不病涉十九年助賑議敘加三

級

壽州志

張琮壽州人曾獨修繆家橋魏家橋沈家橋十九年出穀平糶

議敘八品銜卒年八十

壽州志

楊敬修壽州諸生州城襟帶淮淝西阻尉湖頻有水患水漲橋

圮爲行人病敬修毅然身任修橋凡四一爲劉家林橋一爲楊家潤橋一爲新塘橋一爲潘家窪橋凡費錢六千緡有奇

壽州志

以上舊志

李佺字子偃懷遠舉人雍正初任山東長清知縣置田贍士捐俸賑災改直隸饒陽知縣疏濬河道修明倫堂病歸建黃河橋置義塾祭田修青雲義塾施棺施藥倡捐粟千石以拯水荒乾隆十三年祀鄉賢祠

懷遠縣志以下新修

林中杭懷遠廩貢官歛縣教諭事親以孝聞兄弟閒怡友愛歲饑賑粥復捐萬金全活甚眾嘉慶七年宿州王潮明煽亂中杭率子弟扼守岫河口民賴以安祀鄉賢

禮科鈔案懷遠縣志

孫芝蘭壽州文生承父明武之命以千金生息爲每歲饒鄰里

親族用子孫踵行之

壽州志

柏節一名大有壽州人主簿嘉慶甲戌旱出粟平糶道光辛卯
後連年水災節日散蒸餅及穀仍捐重資助賑

壽州志

宋怡壽州監生出錢二千緡修廣濟局書院嘉慶甲戌歲旱散
蕎麥百餘石同時文生張萬青徐大中俱各捐穀平糶

壽州志

張志儀鳳臺人嘉慶中捐修北門大橋并前後街道二百餘丈

孫克仿壽州人都司道光辛卯壬辰癸巳水災三次賑饑又董

修壽臺試院廣濟壩東門城垣均出鉅資咸豐中捐助軍餉晉

副將銜粵捻合圍潁州克仿寓城中捐資募勇守禦

壽州志

孫誥祖通判孫崇祖訓導孫紹祖鹽知事俱壽州人道光辛卯

後連年水災各捐金煮粥蒸饅首濟饑全活甚眾誥祖別捐建

節孝總坊壽臺試院修東津東門兩橋崇祖於咸豐中倡捐修

城積勞卒

壽州志

周玉路壽州文生道光中水災盡出所藏以周鄉里咸豐中兵

荒盜起又聚族資給貧乏

壽州志

顧文炳壽州廩生道光己丑湖水泛溢鄉里賴以舉火者數百

家癸巳水災文炳與姪星衢捐錢萬緡賑濟之

壽州志

楊士璉壽州人父敬修建州東門外潘家窪橋道光中士璉變

產千金重修之

壽州志

張錫琛鳳臺人道光辛卯水災有鬻妻者稱貸保全之又有劉

玳者出資代人贖女

鳳臺縣志

楊紹禹宿州人道光癸巳年饑賣田以濟貧乏

宿州志

宋如金懷遠人守禦所千總以道光乙酉獨設粥廠賑饑議敘

都司又獨修明倫堂捐鄉會府院各試費造宗祠置祭田

懷遠縣志

周兆楨定遠監生歲晚捐送寒衣錢穀醫藥棺槨道光丙戌水

災給送衣食全活爲多修葺泮池建立橋梁

定遠縣志

許鏡軒附貢許煒軒理問俱懷遠人道光己酉大水鏡軒與潘

繪設四廠賑饑庚戌大水煒軒捐賑米千金咸豐閒鏡軒又捐

軍餉二萬金

懷遠縣志

陳汝明懷遠人衛千總道光壬辰歲歉捐資施飯二次全活甚

眾

懷遠縣志

朱昌茂鳳陽臨淮鄉附貢道光癸巳歲大饑捐麪五千石

鳳陽縣志

鄭祝三穆定昌俱定遠人均拾遺金還其人

定遠縣志

李林如朱鳳舞張欽和俱壽州人皆有拾金還人事

壽州志

黃青選鳳臺人拾遺錢券還其人

鳳臺縣志
壽州志

侯宏基崔玉芬俱宿州文生陳繼聖宿州文童均拾遺不昧各

還其人

宿州志

高長試懷遠人施藥惜字迭次字紙麗中得錢券還其人

懷遠縣志

陳化平字東溪宿州附貢署宣城教諭修學宮置祭器署廬州

府教授爲包拯余闕置祭田厚賻以歸前任之喪後在籍團練

壽防以勞疾卒

宿州志

何錫瓚定遠歲貢甯國府訓導倡捐創建定遠考棚修學宮捐

豐備倉穀籌辦義賑靡不力爲

定遠縣志

朱衣點鳳陽舉人官江蘇青浦教諭分俸濟貧生母老告養歸

捐資爲邑人鄉會試經費

鳳陽縣志

李隆章鳳陽人助知府舒夢齡修大小溝口兩石閘置風車斛

水入淮沫河各堡皆食其利

鳳陽縣志

易文鳳陽臨淮鄉木工有田足以自養所得工價盡以濟人施

棺並助錢米

鳳陽縣志

任珣鳳陽臨淮鄉監生好施耗其產仍賣地典衣以施廩生戴

學基亦賣田以救荒邳鄰

鳳陽縣志

胡文光鳳陽臨淮鄉人候選同知捐萬金修臨淮二壩一自小東關至東古城一自鐘鼓樓至雲母山皆濱淮要工也又施棺

數百具

鳳陽縣志

何銘懷遠舉人孤介安貧嘗以宅代友償債友知之以己宅償

銘弗受交相讓遂空其室

懷遠縣志

張蕙懷遠監生家貧典衣送遇鄰人乞貸卽以畀之

懷遠縣志

田廣爲字載勳懷遠文生成豐三年募勇數百人偕其姪禦土匪張茂吳猺擊走之弟晚香捐資結水練禦土匪薛小商船數

千賴以無恐

懷遠縣志

林灼奎懷遠監生焚借券三千餘金

懷遠縣志

宋引賢懷遠人州同銜獨建烈女祠以捐錢爲舉報節烈及書

院膏火寒士試卷鄉會試路費

懷遠縣志

魏永久懷遠人獨建蘇家集大橋歲荒賑親鄰有善人之目

懷遠縣志

縣志

年洪鐘懷遠人修荆山東嶽宮及洪溝瓦疇並縣南各橋又州

同陳汝霖修縣南上橋

懷遠縣志

胡際韶定遠廩生散穀千石倡義團練保衛鄉里

定遠縣志

周兆桐定遠監生廬無巢等處水災掩骼賑饑爲蘆棚以棲難

民有鬻女者代贖之并贍其家

定遠縣志

陳一籌定遠文生咸豐癸丑邵宿水災一籌分繕蘆棚以居竭

囊周濟勸捐不足稱貸益之兄澍培亦好善有鬻妻者給資完

聚先是災民陳姓鬻婦一籌濟之而止後復鬻一籌姪鈞澤仍

給資止之

定遠縣志

張汝蘭壽州監生咸豐初集村團數百戶散穀二千石置械築

圩以禦髮捻一方安堵

壽州志

孫培根壽州監生早孤析產推膏腴與兄散米施棺置義冢築

堡團練保衛鄉里

壽州志

張全傳壽州人捐資濟旱荒又捐地數十畝作義冢

壽州志

張錦秀壽州人施濟鄉里有求必應咸豐初輸粟三百石聯保

築圩以資捍衛

壽州志

朱文沛壽州人家貧業醫有田數十畝悉與其弟得醫資輒賙

貧乏

壽州志

柳擴郢柳柄郢壽州人共鬻田宅代伯兄償債柄郢別焚蔡姓

借券三千緡

壽州志

石振甲字竹垞壽州附生咸豐初集團練保衛鄉里苗逆之叛

也州城陷而州以南獲全振甲力爲多署頴上訓導卒

壽州志

張法典壽州人六世同居焚借券數十紙

壽州志

柏雲開壽州人與阜陽李耀友善耀病目瞽雲開迎養之事耀

母如母爲服喪三年

阜陽縣志

方肇嶸鳳臺附監生除夕獲偷兒給錢米使改行資給鄰婦保

節孀孤教之成學

鳳臺縣志

張得位鳳陽人從九品銜四世同居無閒言歲歉有鬻妻鬻子

婦者給資全活完聚之焚借券不責償

鳳臺縣志 壽州志

劉維榮字嶧桐鳳臺人母歿哀毀絕葷酒三年常德府人尋親

遇盜維榮助資送歸又嘗助瞽者金苗逆犯壽州有吳某餓幾

斃維榮解囊相助得不死

鳳臺縣志 壽州志

邵開潛宿州文生撫諸兄孤子有恩助修黌宮外垣費三百緡

宿州志

黃椿齡宿州監生軍功同知衍幼侍父病累月不懈及長好施

與歲除以錢餅贈數百人捐修城垣奎樓團練保衛鄉里

宿州志

丁長庚宿州人咸豐八年以己田十數頃築寨禦捻賊被攻四

十日隨方堵守闔寨獲安鄉里義之

宿州志

沈緯靈壁文生置義田贍族又文生呂蘭坡修學宮增祭器建

敬一亭

靈壁縣志

潁州府

唐常彥能汝陰人家富好施朱溫攻淮南過潁潁人畏避溫怒
曰軍回當屠城至淮久雨乏糧彥能自以家貲餉軍溫喜欲賞
以官不受溫曰汝何欲曰潁人畏王威逃遁不敢迎幸察之貸

一城生命溫從之潁人得免於難

江南通志

明武英潁州儒士景泰四年潁饑捐麥八百石倡賑於是官紳

相繼出粟鄉里賴以全活有司上其事旌為義民

潁州府志

董勝蒙城人嘗出貲修學校捐粟千斛濟貧

潁州府志

王守仁太和人隆慶四年饑輸米數百餘石助賑縣上其事旌

為孝義之家

潁州府志

李文明亳州人以鄉貢授武英殿中書萬曆四十三年亳大饑

文明捐米一千五百石助賑敕賜蒼生寄命四字旌之

明史孝義傳敘

江南通志

張文甫潁州人以旅舍為生有寓客遺白金五十兩密存之還

其人子珣繼其業有遺布二捆者駕舟追送之

潁州府志

張四重太和人宿旅邸有女奔之不納嘗有客寄以千金數年

後來取封識宛然

江南通志

卜宣潁州人博學有大志需次貢北雍憫副薦謝節貧願讓焉

督學不許宣固請乃許之仍給宣貢例銀兩宣又以佐謝甘旨

督學益嘉其品後仕南部令以除巨寇忤上官意謝歸

江南通志

鄭嘉猷霍邱人官南京衛經歷萬厯時饑捐錢米助賑活千萬

人同邑萬忠徐興祖姚得山李璵李珉皆以輸粟千石助賑旌

爲尙義之門又陳鏞李義王崇禮胡義朱理王暘胡敬俱以輸

粟五百石奉旨旌獎

江南通志 霍邱縣志

張倫潁州人家饒於財計一年衣食外盡以施濟及修築橋梁

穎苦驛馬爲累倫獨任勞費積困得釋

潁州府志

陳試穎上人嘗拾遺金於路守而還之

江南通志

徐嘉猷潁上人歲饑出粟平糶邑之逋賦不能完者盡爲完之

流賊圍城竭力守禦得全

江南舊志潁上縣志

周吉霍邱人捐田租七十石永爲閭族婚娶之助

霍邱縣志

裴服冕霍邱增生嘗拾銀百餘兩并一長單有錢糧花戶名目

惻然曰失此者不易償乃佇立至日午得其人還之

霍邱縣志

胡甫霍邱庠生嘗得遺金八十兩於舟中艤舟不發俟其人還

之

潁州府志

周太和亳州歲貢天啟時郡縣爲魏璫建生祠邑人集議太和

挺然出曰士獻一日之媚而干千秋之議可乎事遂已

潁州府志

林肖生霍邱庠生少喪父哀毀幾至滅性竭力事母撫弟妹成

家助縣令辦賑爲人所稱嘗於六安拾遺金守而還之有楚客

病旅舍爲延醫療之贈資道里又嘗獨力捐修賈家溝橋

潁州府志

夏之時太和廩生有巨室遺孤託產千金絲毫不染嘗白爲人所誣盜者保全二十八姓又集鄉勇扞禦流寇安戢數百家

府志

何遷蒙城人嘗拾遺金舉以還之封識宛然

府志

康衢潁上庠生鄰女夜奔正色叱之有金姓者臨歿以八百金

贈之卻而不受

江南通志

汪長清霍邱武舉歲饑輸粟賑濟賴以全活者甚眾里有不能

婚葬者貸之不責償

潁州府志

李崇德潁州衛人振貧乏修橋梁凡益人者力行不倦有鄰以

地售曰吾世鄰忍售汝地乎助之以粟而去弟早卒教育諸孤

無異己子

江南通志

韋謙潁州人崇禎閒盜賊遽起謙豫築寨練鄉勇爲守禦計乙

亥辛巳兩禦劇賊攻圍皆遯去奪回剽掠人口量遠近安集之於婦女守視尤謹有馮姓者吏索賄誣爲盜又有被誣陷大辟者皆爲白其冤嘗買婢已成知有夫家卽遣去不索值又築定香廟栗頭店兩橋後上憲疏請授遊擊將軍不就府志

趙勤穎上趙天錫僕也流賊掠江口家人俱避屬勤畱守錫偶返舍而寇至勤匿錫於積薪中賊詢其主所在羣撻之刃其腹幾死而終不言江南舊志

王象新亳州人崇禎閒捐助兵餉授汝甯通判府志

劉嘉愛穎州人祖母病嘗冀以審吉凶軍人劉虎解餉遺五十

金嘉愛拾得卽還之府志

國朝吳自勵穎州歲貢明季例任通判以養親不就後乃隱居不入城市者四十載父卒教育幼弟凡田舍之美者悉讓之友人

劉某臨終以千金付之屬俟其子家業蕩盡始與之已而果然

聞其悔召而還之乃拜謝去卒年八十四

府志

葉望軒霍邱人順治初土寇梗化官軍會剿師次太平集望軒具牛酒犒師同邑庠四生詣營懇請招撫督軍者感動允其請

一方賴以保全

霍邱縣志

劉炳字煥之潁上人嘗從平南將軍征粵有戰功事平僑居於粵折節讀書時張爾公卒於粵遺正字通一書有欲自取付梓者炳怒曰與人交而掩其名可乎乃費千金爲爾公梓之

潁州府志

范文炯字含章太和庠生順治十四年邪教倡自河南太和民惑之文炯詣官備陳其害捐資助公歲餘悉平

潁州府志

劉淑因字子端潁州人康熙癸丑進士邑有宦家子貧甚挈其婦鬻身他所贖之同歸人問其事曰偶相遇攜還耳劉侍御賓

廷旣歿其家流寓姑蘇迎而養之平生好義知無不爲家由此

落晚歲築墅城西沿溪種柳人稱柳村先生

穎州府志

王吉士霍邱庠生霍苦里長每差派輒蕩產鬻兒吉士與王我

格上書大府請行水腳之法一時稱便縣南山一帶爲賊藪又

請官軍擒斬渠魁招撫餘孽地方帖然

穎州府志

穆文理亳州廩生焚券數千金子諸生宗海嘗因歲荒多餓殍

捐資買棺收瘞數百人

穎州府志

劉旋穎州貢生少失怙母張氏好善旋應試過句容值大水傾

囊救溺曰母所樂也穎饑煮粥以食餓者活數千人

穎州府志

耿文宗亳州人康熙時毫饑家儲豆一千五百石榜於門曰以

衣物來易者聽於是破衣敝器爭投以豆償之所得不過十之

一二全活極多

亳州志

周德宗亳州人嘗拾遺金守而還之又有解恆者剃頭爲業拾

遺金俟而還之

潁州府志
亳州志

陳夢玉亳州人每歲暮煮粥食餓施散棉衣行三十餘年不輟

兩江總督以厚道是敦四字獎之

亳州志

劉恩需字雪洲亳州歲貢官行人司行人歸田後捐地獨建柳

湖書院焚券數千金

亳州志

王慶澤亳州人捐地十頃爲柳湖書院膏火出粟八千石助賑

霍邱議敘同知選膠州歷濱州知州所至以廉惠稱

亳州志

李玉笈霍邱人事親孝康熙閒饑變產買穀三百石以濟族黨

霍邱縣志

周宗聖霍邱人康熙閒饑賑粥數月全活數千家嘗買米至亳

見毫饑遂散其米空船而同他如修橋造廟不惜多金義事甚

眾霍邱縣志

李岐亳州諸生乾隆壬戌歲歉出米二百餘石煮粥賑饑又施棉衣八百件以濟貧寒樁六百餘具以埋道殣修學造橋義事不可勝紀亳州志

李廷樞亳州人家極貧嘗就負販者糴米內有銀十餘兩亟持至市見其人慙忙而回問其故以米中失銀告遂舉以付之同邑劉理路拾一囊內有銀五百兩守而還其人不受謝又關典者爲鋪戶司門晨起拾錢票一百三十千俟其人尋至還無德色亳州志

張乃願霍邱庠生歲饑輸穀三百石助賑乾隆庚午命子貢生希載在阜陽置買莊田一所費銀一千六百七十餘兩捐入清潁書院以資膏火霍邱縣志

姚起灝霍邱人乾隆閒遇水災竭力捐米百數十石外復廣爲勸捐得米四千五百餘石銀一千五百餘兩設廠煮粥邑無饑

民

霍邱縣志

楊煥統蒙城諸生嘉慶九年饑捐銀五百兩助賑又修縣南門大街費銀一千三百餘兩他如修渡口浮橋建塔造廟各費數百金其尤鉅者重建學宮至費五千餘金

蒙城縣志舊志

道光十八

年偕邑人孫登青捐錢二千緡重修學宮二十一年獨捐錢千

緡助修城垣

蒙城縣志新增

胡巨振太和人乾隆五十年歲歉捐銀一千兩助賑同邑雲戒

欺五十二年捐地十六頃助入學宮

太和縣志呈冊

胡民章太和人嘉慶十八年滑縣教匪滋事捐銀一千兩以資

防禦

太和縣志呈冊

張育信霍邱人聘余氏女未娶而瞽文父母使人來告之或議

勿娶育信曰我聘之而不娶是我先負義也竟娶之生二子三

女偕老焉

霍邱縣志

何滴霍邱諸生嘗捐田以助翠峯書院膏火又建橋三座曰東濟曰利濟曰南濟民不病涉至置義渡建義冢施棺槨善行尤

多

霍邱縣志

王昇阜陽諸生性好義嘗爲故人養母撫孤完婚娶族有贅婦守節眾倡嫁之責以義得保全爲立嗣年五十無子親友勸置妾入門憐其稚乃別寢忽一老嫗哭而來曰一女相依不能舍至此思一見耳卽還其女命別議婚而以其值爲嫗養老費

阜陽縣志

徐步頴上諸生嘗置義田數十畝贍族之讀書者嘉慶初河南

饑流民入潁罄所蓄為食以待餓者有陳某鬻女於步詢知有夫即厚遣之又全一張姓夫婦又陳某僑居南照饑病欲死步衣食藥餌之逾年感泣而去潁上縣志

郭禮先太和監生乾隆丙午煮粥濟饑有高某家火禮先子肇橫厚資助之次子文璜官侍衛道光癸卯水災船載糗糧周濟

千百餘家太和縣呈冊

袁淑身字復莽阜陽拔貢分產贍族撫養孤寡恩義周至阜陽縣呈冊

冊以
上舊志

張同科太和人乾隆丙午歲饑質田貸穀分給鄉鄰太和縣志以下新修

陳善長阜陽人嘉慶癸酉冬大雪為粥以食餓者道光癸巳捐

糧濟饑阜陽縣志

饒如山穎上文生道光壬辰歲大饑以教讀所積錢穀散族鄰

并施棺施針

穎上縣志

劉金甲阜陽增生道光癸巳出粟千二百石賑饑又武生李廷璋道光壬辰捐賑水災施粥施藥

阜陽縣志

王著平字會泰亳州雉河集監生道光初修本集街道蒙城縣

學宮義倉二十四年獨力修文昌宮

渦陽縣志

范志敬太和監生道光癸巳捐賑水災築隄修路咸豐初捻匪

起慮族眾附之按口給糧贍養保全

太和縣志

鄧朝選太和人道光中助建淝河橋子昭咸豐閒輸千金築圩

團練破賊岔河救出被擄男女皆資遣之十一年出穀濟饑

太和縣志

縣志

常士貴李永錫俱太和監生道光中各捐海疆暨荒賑費一千

三百金又助修書院各八百緡常士貴之孫李永錫之子於咸豐開各捐城工兵餉一千三百緡銀四百兩修橋道濬城壕皆

有捐助

太和縣志

王家椿亳州人從九品修柳湖書院捐田千畝入養正義學

亳州志

陽縣志

吳培元阜陽文生施棺施衣修宗祠置祭田散千金贍族

阜陽縣志

唐階椿阜陽監生好義樂施代友人葬母償債息訟費數百緡

代從兄納官項萬餘金至鬻田千二百畝

阜陽縣志

耿義阜陽人建大運河橋費二千餘金又監生孫大銘重築通

濟橋費七百緡

阜陽縣志

程其煊阜陽增生以五百緡置祭田又以五百緡爲家塾費

阜陽縣志

縣志

楊廷楷穎上文生候選主簿出資生息爲生童試卷及鄉試路

費倡捐修城親督工役又助修橋治道經費

穎上縣志

楊廷樞穎上人縣丞銜施棺施衣修橋道設義塾周窘急行之

三十餘年不倦

穎上縣志

李承儒穎上人鬻田代人償債六百緡仍祕其事

穎上縣志

田粒蒸字硯農霍邱貢生教諭捐修學宮錢千緡

霍邱縣志

涂殿魁字一峯霍邱人從九品讓產於兄祭葬獨任之有鬻妻

養母者傾囊代贖

霍邱縣志

羅奎光霍邱監生性好施費遺產三十餘頃

霍邱縣志

王風度霍邱人都司捐置義冢七處別捐義園一處以葬族人

貧者

霍邱縣志

王森太和監生每歲暮出雜糧三百斛分濟貧乏

太和縣志

李殿試太和監生疊次變產代叔姪償債

太和縣志

張聖儒太和人累世施藥百餘年聖儒建橋修路平糶濟饑

太和縣志

縣志

陳文蔚太和人捐城工暨軍需七百餘金其子先後助餉及築

圩費九百餘金修學宮書院疏通溝渠皆有捐助

太和縣志

王東陽阜陽人都司同治元年髮捻圍城東陽捐千金助餉巡

撫賈臻旌其門

阜陽縣志

馮永裕蒙城人捐錢四百餘緡倡修橋渡道路又疊助軍需

蒙城縣志

縣志

李和字調元蒙城范蠡村人府學增生勤課生徒厚卹戚族以

醫術濟人捻首張逆羅致之不能得弟稔廩生帶練禦捻死和

秉節不變肥遯以終

渦陽縣志

郭淑亭阜陽人館於同里某家某附苗逆淑亭苦諍不聽遂辭

去阜陽縣志

倪文倉鄧保玉俱霍邱人佃於副貢劉煥家賊至其護匿煥母得脫而身蹈白刃均死之霍邱縣志

陳保太和人傭李作賓家作賓遇賊被害保力鬪死太和縣志

萬維年字餘三宿州符離集農人也性骨鯁識字周文忠寓居宿州招維年爲主計文忠薨家人咸禮敬之咸豐五年賊圍宿州文忠家北徙委維年守符離屯積且戒之曰苟事急亟去毋自苦後賊掠符離維年守益力格殺數賊不敵被創死周光淮文集

重修安徽通志卷二百五十九

人物志

義行 十三

滁州

宋吳悅全椒人嘉祐中與僧行悅建積玉橋五年而成

全椒縣志

仲寶滁州人靖康中劇賊李成偪城下寶率眾拒戰食竭援絕

不變城得全眾咸義之

滁州志

明陳通全椒人正統七年輸粟一千一百石賑饑旌為義門

江甯志

通志

魯淮字東之全椒歲貢謁選時得遺金三十於邸舍候其人還

之仕至沅陵知縣

全椒縣志

孫恕來安人張全養子正德六年全官貴州吏目夫婦俱染瘴

死怨經營稱貸開闢數千里負其骨歸葬

滁州志

趙輝全椒人世襲百戶正德七年遷建學宮輝首捐己地以益之同邑吳淮吳漢吳溥吳沂吳岑秦琪秦珊秦琛謝寅馮碧徐華林寬曹璣王瑪金鑑等亦各捐地有差後建敬一亭輝子文復捐己地廣之

全椒縣志

金印全椒人性孝友析產推腴於兄嘉靖二年歲祲易產濟人盡焚其券嘗見一婦抱兒泣於河干問知其夫疫死欲就溺救而贍之其他如修橋葺路施藥施棺義行不可勝舉

滁州志

王慶來安人嘉靖甲辰乙巳浣饑慶出穀千石助賑全活甚眾

來安縣志

蔣文昇來安人嘗拾遺金百兩於旅邸訪知爲無爲州解役所遺追而還之後文昇渡江墮水若有人扶之上者獲免

來安縣志

康貫字汝一全椒庠生嘗築室得一窖巨石覆焉貫曰此古墓

也趣掩之又嘗讀書寶林寺同業者發瘞金分之卻不受全椒縣志

楊崇字渭川全椒庠生父西疇賈六合拾遺金還其人崇孝友

好義嘗捐貲建拖板橋易木以石築城之役又與舉人王作霖

生員黃烱盛會義民隨朝等各徙宅以就城基滁州志全椒縣志

吳鏞全椒人與弟鈞創立社會以資任卹諸凡吉可慶凶可矜

者咸取給焉時稱為義舉全椒縣志

胡淪全椒人有蘇人夏姓者遺金五十兩將自縊淪如其數與

之得不死後生五子皆成立滁州志

張森全椒人早喪偶鰥居四十餘年不再娶嘗屢拾遺金皆俟

其人還之滁州志

吳謙字體泉全椒人父卒哀毀念母老恐病不忍聽之庸醫遂

精方藥事三兄推讓有加性好施嘗拾遺金還其人

全椒縣志

魯須薦全椒人禮部儒士萬歷四十五年旱蝗捐銀一百兩穀一百石備賑同邑監生晉三接亦捐銀一百兩穀一百石助賑

又馬良崇禎十三年饑捐豆麥各百石助賑

全椒縣志

傅高全椒人歲饑出粟助賑嘗獨力捐巨貲建一橋人不病涉至今稱傅家橋同邑王湖置義渡建菴司之且買田爲修繕計

江南舊通志全椒縣志

王鳳臺來安庠生嘗遊楚值泗州馮應京以抑稅璫被逮激於義從之至京繫獄經年護視甚至後馮以星變得釋鳳臺始歸人高其義

滁州志

許一虎滁州人崇禎九年流寇偪城冒矢石獨殺數十人賊解去後聲言用浮簰渡河一虎又乘夜劫之以寡援死人咸義之

滁州志

黃都全椒武生崇禎九年流賊破和州掠江浦轉掠全椒都與防守參將薛邦奇計預埋礮筆峯山下伺賊至縋城出發而擊之賊知有備遂遁去城賴以全

全椒縣志

謝浴德盛大朝俱全椒里長崇禎十四年有加派米豆之令滁屬計派額外米豆八千八百二十石檄運天津交卸浴德大朝叩閭陳民疾苦獲邀俞免先是嘉靖時同邑有張文忠者以禮部儒士伏闕陳滁屬利病十二條下部議行授河南典史

全椒縣志

王炯滁州庠生嘗道拾遺金俟而還之

滁州志

國朝金若嵩字捷宇滁州人早失恃事父孝撫弟與庶母弟如一析產推腴取瘠又竭力行義如賑貧放生歲以爲常滁驛繁苦倍他地力懇主者禁加派僉報惟按時授糈所費皆獨任之民

不爲病驛困盡蘇

蘇州志

周懋德字萃衷來安人性好施濟族黨多待以舉火明季流寇

掠境捐貲練鄉勇禦之村鎮獲全

來安縣志

潘紹徵滁州人六歲失恃姨母育之喪蒙其姓嗣父以訟累罹重辟奔訴獲免旅中嘗拒一奔女遂移寓焉晚以子運皞成進

士題准復姓

滁州志

葉允霖來安人里有因逋鬻女者如其數與之金得止歲旱蝗

捐貲賑饑爲粥以食捕蝗者

來安縣志

孫如桂來安增生贊序顏敝誓志修建乃先捐修泮池大殿兩

廡諸祠家貲盡傾得邑人周球之助功遂成

來安縣志

任瑞來安附貢父偉烈好周人急瑞承父志歲歉捐貲賑濟嘗倡修學宮殿廡又捐田入書院以備膏火又獨建杜家澗石橋

中年以無子買妾訪知有夫即遣之不取值

來安縣志

袁得貴全椒人嘗爲合族置義田以供祭又嘗拾遺金俟其人久不得乃增貲捐建神廟同邑魯時仕事繼庶兩母皆孝亦以

還遺金聞

滁州志

江名標全椒人康熙辛丑武進士忼爽好施每遇歲饑捐貲倡賑乾隆十年設賑粥廠身自督理大府以仰承德意旌之

全椒縣志

羅正來安人嘗拾黃金六兩訪其人還之

來安縣志

吳顯祖全椒人候選府通判乾隆三年歲饑捐金二千助賑又嘗獨力重修崇聖祠平生好善樂施戚族待以舉火者甚眾

全椒縣志

縣志

王廷棟全椒貢生嘗捐腴田數十畝爲族祭產教弟廷諍成名

以孝義聞

全椒縣志

金紹曾全椒人議敘州同知凡遇歲祿捐貲倡首設廠賑粥米

薪率多自辦又嘗修學尊經閣建半邊河輒欄行旅稱便

全椒縣志

汪森全椒人性孝事嗣父母如事所生以母病醫藥罔效遂發憤精岐黃業志在活人不計利嘗有就醫者遺錢票一紙而去

追其人還之

全椒縣志

程能指全椒人貧而自好有西賈素與往來忽攜衣服一篋寄其家云將暫歸久之竟不至踰數年其子來謁舉篋付之封識

宛然

全椒縣志

許顯宏全椒人嘗賈於崇明值海盜沒者無算盡出其貲募人收葬空囊而歸孫履謙廩監生嘉慶十九年饑首出白金二百

兩輸官備賑

全椒縣志

盛忻全椒庠生嘗捐置公田歲以所入代完逋賦嘉慶十六年

饑捐資助賑蒙

恩以得官日加一級全椒縣志

郭中階字讓東全椒庠生例授理問嘉慶十九年饑捐資助賑蒙

恩加紀錄二次全椒縣志

田大鏞字序東全椒附貢嘉慶十九年饑捐資助賑奉

旨議敘主簿銜全椒縣志

王景彪陳國仁俱來安諸生乾隆中知縣韓夢周於縣東南鄉

相官鎮置書院景彪國仁各捐宅舍一區事以大集韓夢周江清書院記

來安縣志以下新修

林式金陳純嘏俱來安諸生龔治國來安監生嘉慶中知縣楊

所重修儒學式金等倡捐錢各數百千緡因以集事楊所重修儒學碑記

趙作霖來安文生偕泗州籍職員袁景安建立同善堂施棺埋骨給寒衣又於嘉慶甲戌道光癸未丙戌己丑同堂兄作鳳倡

捐賑濟

來安縣志

印賓賜全椒人從九品歲歉周濟窮民捐修育嬰堂積玉橋城隍廟白鶴觀年八十卒道光閒

旌表

建坊祀忠義孝弟祠

全椒縣志

程錫齡全椒人州同捐建節孝總坊又偕江錫璜劉元楷印大煩等建湧金橋及崇善堂施棺藥卹節

全椒縣志

馬彤雲來安附貢道光戊申捐錢千緡賑濟水災咸豐初捐錢

二千緡米五百石助軍餉丙辰歲旱捐穀獨賑卓家集一保戊

午粵逆撲城督辦團練出穀一萬二千餘石以濟兵勇

來安縣志

聶祥茂滁州人業醫施藥有鬻妻者出資贖之

滁州志

黃沛滁州貢生創建同仁堂養濟院施棺施藥歲終散米百餘

石滁志

章賡良滁州人咸豐五六兩年捐團練賑濟費以萬計滁志

章先甲滁州人訓導捐設同仁堂義局滁志

何爲壩來安文生年二十六喪妻有子不復娶八十八歲乃終

來安縣志

和州

明張全含山人正統六年輸米麥千石賑荒奉詔旌獎江南通志

耿宏和州人嘗捐稻麥一千五百石助賑同州孫智善捐稻麥

二千二百石陳禮捐稻麥一千一百石張禮捐稻麥二千五百

石陶興一捐稻一千石張樸捐米一千石助賑和州志

唐敏含山人正統閒捐米麥一千五十石助賑旌爲義民仍免

本戶雜派差役

和州志

劉瑄含山人成化二十二年歲饑出穀助賑每月放賑一次凡

三年始已又嘗出穀一千石存於和州和豐倉備賑

含山縣志

劉志含山人成化二十二年輸粟一千石雜穀五百石於和州

和豐倉備賑

含山縣志

唐懋含山人成化間助餉千金倡義賑濟全活甚眾授七品冠

帶

含山縣志

朱清含山人鄉鄰有貧不能婚葬者咸助之又嘗捐貲修葺學

宮撫按各遣官賜勞以旌其義

和州志含山縣志

呂洪含山人嘉靖二年饑捐貲倡賑巡撫督學咸旌其門

含山縣志

嚴一貴含山人天啟辛酉軍需甚急助餉千金督撫以聞賜儒

林郎

含山縣志

聶際明含山人候選京師捐金置和州含山會館家居置義田

立家廟月朔集子弟講家訓故終其身無家訟

含山縣志

班樞和州諸生明季流賊陷和父母俱死於難祖母湯撫之相依爲命湯病衣不解帶及卒三年足不踰閭性好義捐田入生
生菴拯濟漂溺置冢以瘞無力營葬者又捐田七十三畝爲銅
城間蓄洩之貲又捐田二十九畝助鋪兵役食以免僉報之累
義行可紀

和州志

國朝周文光和州人歲祿輸粟助賑全活甚眾順治十四年

旌表建坊

江南通志

唐德嚴含山人反遺金卻奔女閭里稱之

含山縣志

晏璧生含山貢生歷任繁昌蒙城訓導事母撫弟以孝友稱周

給貧困全濟甚多在潛山時嘗捐貲千金以修潛學卒祀鄉賢

江南通志
含山縣志

蔣紹含山人嘗於運漕鎮拾遺金其弟級嘗拾無爲薛某遺金

紹又嘗與其孫赴試拾得百佛寺殿上金皆守其人還之

含山縣志

王瑜含山庠生母病額神得愈遂終身茹素以答神佑嘗拾汪

姓遺金訪其人還之

含山縣志

湯朝仁和州人性好義嘗捐資修造橋梁平治道路康熙閒歲

歉傾囊賑粥全活無算藩司給扁以旌

和州志

王廷鵬含山人七歲喪父卽知哀毀孤姪業落以己產分半授

之康熙閒蛟水陡發捐資賑溺歲祲捐金助賑廣施衣服棺木

人皆義之

含山縣志

趙騰含山庠生歲疫捐數百金施藥施棺其從弟文明亦好義

嘗遇孀妻償逋者爲捐金以全之

含山縣志

汪紹芹含山諸生雍正乙卯歲繳捐穀四百石助賑

含山縣志以上舊志

汪燦字東井含山人乾隆甲寅輸田園塘溝額租五十三石以

爲學田

含山縣志以下新修

吳家崇含山人嘉慶時捐資石門山口石路子麗堂建五都大

路石橋獨修和州試院號舍

含山縣志

戴雨膏含山人道光間三次捐賑其先有戴守基者乾隆間賑

米千石又乾隆時有汪鏞嘉慶時有過華道光時有柴萬貴過

桂林貢生戴琳戴泗泉監生陳產均於荒歲疊次捐賑

含山縣志

徐繼貢含山人敦古勵善歲饑破產濟貧教養友人之孤爲族

節婦置田建修石門山路建大河橋倡立義學控訴漕艘借泊

運河阻商擾民之弊七年始得直後遇丁復蹈故轍附貢張仁

溥中請嚴禁其患乃息道光十七年繼貢

旌建坊表祀忠義祠

含山縣志

張起麟和州人父仲彩以好施耗其產起麟糶穀鎮江獲三百金歸途遇覆舟者急呼人救之生一人酬十金活二十四人又以餘金給溺者空舟而返以子森官

贈朝議大夫

和州志

張奉乾和州貢生教諭道光中疊次水災奉乾捐輸最鉅五圩難民賴以全活咸豐初軍興捐米千石歲旱賑米六百石他善舉約費萬金疾篤盡焚積券

和州志

程安邦含山人道光中疊次捐賑水災倡造楊林大圩新埠費數萬金

含山縣志

唐廷楨和州人貧而濟人之急膏典衣代鄰人償債免其鬻婦衣食避亂者家屬措資送歸有陷賊自拔者畱養遣歸活二十

餘人

和州志

蘇奇霞含山監生邱鰥寡助婚喪鄰有鬻妻女者贈金完之又造江淮橋石欄溺人之患始免

含山縣志

張鵬飛含山舉人家貧課徒有鬻妻者傾囊贈之

含山縣志

胡雲祥含山監生輸養濟院田六十餘畝

含山縣志

林榮和州武生咸豐七年髮賊欲污其同室女榮義憤刺之被

傷死

和州志

張明秀和州童生孝親睦族妻死有子不再娶

和州志

廣德州

明岑熙建平人以孝行聞客都下得遺金五百於逆旅求其人還之御史馮明玠紀其事夜有鄰婦挑之拒不納歲大饑破產以賑後盜過其里相戒勿犯

江南通志廣德州志

東郭老人廣德人家貧業賤晨起汲水拾一遺囊俄有商譁訟
索於逆旅老人挈而往曰子自遺於道彼何咎遂還之約二百
餘金商願酬以半老人曰吾何如得全耶不受或曰老人姓王
名君附

廣德州志

潘之藩建平人年已七十值土寇劫掠之藩率族人連保甲設
禁約互相守望賊不敢窺一方賴以保全

廣德州志

步顯四廣德人嘗費數百金獨建明倫堂歲歉代完逋稅賑貧

民

廣德州志

駱憲德廣德人嘉靖時歲大饑出銀米以賑鄉閭全活無算賜

冠帶

廣德州志

張大化廣德人幼聘管世儒女旣而女以痘瞽管請張別議婚
父母欲許之大化時年十歲持不可曰瞽在聘後此兒命也況

瞽女既退誰復娶之父母聽其言及成婚伉儷甚篤

廣德州志

姚啟宗字午明建平庠生母病衣不解帶性好義見人冤抑不惜破產申雪有誣陷大辟者宗警也力爲解釋又有負金欲鬻

妻償者卽焚其券

江南通志

王應篤字時敏建平人家貧好義里有貸其金娶妻生子欲鬻子以償者卽焚券不復索歲饑貸穀二百石以賑鄉人

江南通志

許煉廣德人嘗拾金還人捐產養弟後官樂平縣尉

廣德州志

潘鈺字服之建平庠生弟以父喪家貧徙他郡鈺置田宅招之

歸歲饑出粟以賑施藥施棺鄉里稱善人

江南通志

史大典字惇甫建平人父早卒事母以孝聞崇禎十年捐三千

金重建學宮置學田五十畝

廣德州志

國朝周本蘭建平人明末歲歉出穀五百石助賑鄉里有不能輸

賦者代之

廣德州志

夏璿賜建平人順治八年旱輸穀五百石全活者眾同邑貢生宗瑛父早卒諸弟皆幼撫之成立繼粟不私兩遇歲歉出米千六百石有奇助賑他如學宮義學義倉浮橋等項皆置產以供

歲修

廣德州志

程應桂建平人爲邑掾乙酉兵亂知縣杜鶴年家口百餘應桂多方保全之初鶴年見事急攜孤孫以託應桂鶴年被殺護其孫與主婦還關中後邑令張正中顏其居曰義高千古

江南通志

陳乾廣德人事親孝弟天撫姪如子族有賣子典身者爲贖之負債焚券不取遇疫施藥施棺人頌其義

江南通志

濮陽翼廣德貢生性孝友撫孤姪爲經營其產業寸絲斗粟皆有籍可稽姪成立悉歸之嘗買婢廉知爲宛陵良家子卽破券

遺還

廣德州志

濮陽曉字榮東廣德廩生天性孝友艱於嗣將置妾適從弟欲娶乏聘卽以買妾貲爲之完娶戚屬某負豪右百餘金計窘圖自盡曉傾囊不足更稱貸代償人多其義

廣德州志

雲像曾字念貽廣德貢生母病禱神請代侍奉湯藥衣不解帶嘗於母誕日稱觴母曰我有素志未遂爾曾祖嘗兩次捐穀千三百石以濟貧乏爾獨不能承祖志乎像曾欣然聽命散穀七百餘石又割腴田一百二十畝爲族義產乾隆元年

旌表建坊

廣德州志

沈衡廣德庠生以善貨殖佐其父治產初止三頃數年增倍事繼母盡孝父卒有異母弟四人盡推與之僅取十畝曰余習會計無賴是也凡葺學宮明倫堂福星橋諸義舉皆藉其力

廣德州志

李邇泰廣德貢生事繼母孝鄉賢祠圯獨力建造有貧不能婚嫁者代爲措辦凡五姓歲祲設廠賑粥全活甚眾施棺瘞鬻四十年無閒

廣德州志

王邦字煒先廣德貢生選鴻臚寺主簿歲祲捐穀數千石施棺木修義冢至老不倦

廣德州志

濮陽緒字緒人廣德貢生性醇厚貧佃負租不取者前後數千石邑有興作竭資任勞無倦歲祲出穀賑饑多所全活

廣德州志

烏方新建平庠生兄弟同居五十年無閒有遺棄於園側者書榜召其人還之

廣德州志

王之詔建平人好義樂施親族多待以舉火年饑貰貸平糶不吝里有訟一言輒釋

廣德州志

張家麟字兆聖廣德人篤於孝友好施不倦里有賣妻償逋者

夫婦相持哭家麟聞之往贈以金得全又有鬻子者亦贈以金

且常調其乏

廣德州志

沈龍紱廣德附貢乾隆辛未歲饑與弟庠生熹鬻產賑粥丙子又饑復賑之自春及秋費踰千金同里高元桐亦鬻田佐賑有賣妻償債者貲給之夫婦得全

廣德州志

沈綱廣德諸生歲連饑倡議捐賑施棺槨湯藥有某鬻媳償逋贈之金以止其事某所居屋舊鬻於綱焚其券而還之書院苦湫隘綱請於知州卽明舊學基重建以焦勞成疾卒

廣德州志

陳益先廣德諸生與弟樹澄俱好義先是其父嘗諭之曰州罕儲蓄不通水遇荒則運糴維艱有餘貲惟多市穀凶年可以濟人故其家積穀頗豐乾隆乙未災益先兄弟出穀煮賑二月薪工雜費錢至百千乙巳又大饑兄弟捐米三百五十石值千餘

金一州賴之

廣德州志

李可升建平人乾隆乙巳歲饑捐銀三百六十兩助賑又廩生

王以智捐銀三百二十兩助賑遵例議敘

廣德州志以上舊志

呂梁字晉望廣德舉人年十五父歿五兄兩弟皆議析產梁泣

勸不能止因悉推讓既長常排難解紛王周二姓爭鬪周傷幾

斃將成訟梁膳傷者於家藥之而愈事遂解道光丙午歲歉倡

捐設豐備倉備賑二十九年官績溪教諭勤於課士咸豐初勸

捐辦團四年推升甯國府教授

廣德州志以下新修

蔣邦璽建平廩生事母孝樂善好施歲歉賑饑親族咸受其惠

建平縣志

六安州

元郭淵字濟川六安人羣盜起聚族保障人盡依焉大德末淮

西大饑作餽粥以濟之有飲於西家者醉而出遺金於門淵拾之明日其人索之西家怒而爭將自剄以明不欺淵聞之急呼其人示以所遺事乃息初六界北邊民習武少文淵與父諗以詩書俎豆爲業六人化之

朱學士集

明王文聰字子章段庭竹字伯堅俱英山人紅巾賊來寇二人募鄉兵敗之獲渠魁四十八人解京洪武二年授以官辭不受

敕賜獎勞

六安州志

葉天祀許再興高士聰王仁甫江文禮謝俊俱六安人正統六年各上穀二千二百石助賑奉敕獎諭同州邵文忠陳剛周文直王保八年各上穀五百石余文勝李三各上穀三百石高雲何信葉文謙孫暹唐安李宣李綱陳昇吳貞高寬李谷佐景泰五年各上米四百石賑濟冠帶榮身陳明管鑑何文德潘顯成

化元年各上米七百五十石授七品散官陸聰葉文恭李仲祥高甯各上米二百石授九品散官劉國翰崇禎十三年捐穀千

石賑饑

江南通志六安州志

余子旺英山人景泰六年捐穀千石助賑敕賜冠帶同邑傅月敦捐穀六百石敕賜義官徐滄海捐穀三千石奉敕建坊旌表姜宣鄭顯忠等萬曆九年共捐穀四千石助賑

江南通志六安州志

汪禮由漢陽遷六商於淮有劉姓者相與往來忽攜五百金託寄曰將入京考職挈此不便以公長者故相託耳許之劉後以罪戍邊越三十年放歸汪適與郡商宴集有句乞食眾叱之句泣言情卽前劉也禮喜且訝出金相付封識宛然

江南通志

潘種六安人嘗得路遺百金守而還之同州駱鵬亦還遺金問姓名不告其人泣拜而去

六安州志

何克仁六安諸生赴試得遺金守而還之嘗置妾詢知爲楊某

妻亟遣之不索值

江南通志

朱葛錕六安人嘗拾遺金守而還之有曝衣被竊者怒笞其婦

婦縊幾死爲代償之

六安州志

孫輅霍山人嘗獨建孫家橋修明倫堂甃泮池天橋皆親董其

成勞費兼任

六安州志

張孔傳字淵魯六安人天啟丁卯舉人不仕留意鄉邦利病六

安舊苦徭役畏僉點如湯火孔傳倡議計應費若干以糧爲斷

而一切以官主之民困始蘇

江南通志

董中義霍山人明季流賊猖狂中義督率鄰里立砦守禦遠近

數千里賴以保障子庠生玉連佐黃得功募軍中不妄殺不橫

掠皆其力也

霍山縣志

國朝黃令魯六安人乙酉寇亂城崩數十丈幾不可守今魯傾貲

辦運灰石一晝夜築完人心始固

六安州志

程天申英山庠生順治初土寇充斥奉檄充練長馭鄉勇數百人甘苦與其賊魁皮裘恣爲剽掠以計擒之餘黨悉平地方安

堵無患

六安州志

沈宗洛英山諸生父病嘗糞以卜吉凶及歿哀毀順治八年黃岡歲歉士民就食於英者四百餘家宗洛計其戶口散穀七百餘石後爲大盜所誣逮至黃黃人奔府具保者一日千餘紙知

府知其孝義釋之

六安州志

金天爵六安人嘗因艱嗣妻爲置妾詢知官裔具匭嫁之鄰被

火者數百家悉貸粟以賑眾賴以安

江南通志

陳可文六安人嘗兩拾遺金守其人還之同州貢生張鎬親病

額天求代族弟貧分己產給之嘗拾遺金還其人又邑有鬻妻

償債者爲代償之全其夫婦

六安州志

尤日升六安人父患疽口吮膿血康熙己未里有火災日以升米食其貧者歲旱賑穀千石又修治險途掩骸置冢義行甚多

六安

州志

朱彰秀六安諸生性好施凡建橋設渡煮粥賑饑每費千金不

惜卒年八十九

六安州志

方宗隆英山諸生康熙己丑饑捐穀六百餘石以賑平居助婚

娶喪葬卹鄰賑貧義無不爲

六安州志

胡學旦英山諸生性孝友撫繼母弟成立置祭田建宗祠嘗贈鬻婦者金全其夫婦凶年瘟疫出穀帛棺木周濟者非一載其妻章氏尤好義學旦卒康熙乙酉丙戌閒每歲出穀千石煮粥

賑饑全活無算又給醫藥棺木及修橋建寺累數千金積久不

倦

英山縣志

江廷楷六安庠生州前奉檄墾荒升糧三百餘石銀一千九百四十餘兩水衝沙壓無以供課廷楷呈請大府疏奏豁免州人至今賴之又英山諸生程明材乾隆四年

恩詔報除荒畝明材覈英田爲沙壓水衝民久受其困者自備貲斧與

弟明榮具稟藩司得邀豁免邑人德之

六安州志英山縣志

姚宗舜霍山庠生禮法自持雍正丁未蛟水暴發廬舍漂流登高阜避水婦女羣集宗舜不安遂躍入水水退覓其屍倚樹端

坐面如生

六安州志按此事不近情理疑是傳聞傳會之詞未得其實

程光泐英山人官兵馬司正指揮家居好義歲歉命子州同明

檢減糶濟貧給衣散米全活無算巡撫以誼敦任卹旌之

六安州志

程明機光汭之子性孝友析居後兄以食指繁不給明機析田租百石讓之季弟欲移家費不足又以田租百石銀三百兩穀三百石助之英山戶役輪充賠累殊甚人多規避爲捐田永助其費里人德之

六安州志

尤偁字端中六安諸生幼失怙事祖母與母至孝雍正丁未大水人皆升屋有鄰婦適臨產哭甚哀偁告祖母引至樓上而生母子俱全其曾祖日升好義舉如置義冢修橋路卹貧賑荒偁皆踵而行之鄰里貸粟出用大斗收則用小斗歲以爲常人皆

義之

六安州志

李盛春六安人雍正丁未自毫歸舟泊城西山水暴發募人救溺全活無算又買棺以瘞死者給銀米於被災之家

六安州志

許憶槐字賓舉六安增貢性孝友兄歿撫姪成立姪又歿更撫

其子給田授糧至老不倦乾隆乙巳捐銀三百兩助賑喜汲引

獎諭成就後進

六安州志

胡朝元盛宗選張繼高皆六安人乾隆乙巳各捐銀一千兩助

賑同邑鄧成左燮鄭浴鳳程良弼各捐銀三百兩助賑

六安州志

李燦霍山諸生曾兩拾遺金守而還之乾隆乙巳歲饑捐貲以

賑親見七代五世一堂卒年九十九

霍山縣志

張雲際六安庠生捐貲以建宗祠乾隆乙巳捐銀四百兩助賑

同邑貢生任淑善丙午捐銀千兩助賑又每歲以千金製藥濟

眾

六安州志

程光治英山庠生嘗拾遺金訪其人還之友愛兄弟助田租二

百石以奉兄凡邑中義舉如修學造廟無不首捐以助

六安州志

段鵠英山人嘗拾遺金五十兩守而還之

六安州志

陳有祿六安人嘗拾遺金三百兩又拾遺金五十兩皆守而還

其人子哲嘗助鬻妻償逋者銀完其夫婦

六安州志

余致和六安句者拾錢票一紙眾以其貧勸之匿致和不聽守

其人而還之

六安州志

祝極字運樞六安人考授州同事親孝與弟友愛處鄉里恭讓

乾隆乙巳捐銀一千兩赴江西糴米助賑又於麻埠鎮減價平

糴

六安州志

關煌六安廩生好義喜施嘗修建橋梁十九處置渡二凡邑有

營建及水旱必倡輸以勸至贊助宗族戚友不欲人言曰此誼

當通有無不可以施濟論也

六安州志

胡豐甯六安貢生乾隆乙巳捐千金助賑又設食以食餓者卒

年八十三

六安州志

張緒俞六安人母疾侍湯藥衣不解帶兄弟不異財乾隆戊子
饑設廠賑粥經理盡善乙巳偕兄弟捐金二千兩命子庠生騰
蛟糴米江西以散飢者全活無算

六安州志

汪均六安庠生乾隆戊子乙巳捐賑千餘金丙午大疫延醫施
藥全活甚眾又修治橋梁數處

六安州志

汪昌祚六安貢生事親孝篤於友誼不吝解推乾隆乙巳捐銀
五百兩助賑又爲粥以食飢者至設義渡修學宮義舉尤多

六安志

州志

祝樸宇含章六安貢生候選州同知事孀母孝友于兄弟嘗捐
數千金修香花嶺路十餘里又與姪壽捐州試卷費勒石垂久
士林佩其德乾隆乙巳捐千金助賑

六安州志

楊名播字載南六安庠生邑有義舉如修黉宮建書院設廣惠

局皆首倡以勸乾隆乙巳又首捐助賑募義者從之賴以生活

者甚眾王文端杰哀其義行爲立傳

六安州志

徐映照六安人性好義先塋舊有祀田爲族某所竊售罄私囊典衣餽贖之有友攜多金託置產其家無知之者友卒產未置卽以金付其幼子

六安州志

段祚炳英山諸生父肇仁候選州同知嘗置產爲祭費祚炳遂建宗祠經營千金以充禋祀之用弟祚煜亦捐貲共襄其事

六安志

州志

馬世銳英山人少失怙事母余氏極孝嘗捐置祀田租數百石又承母志捐租數百石於余氏祠又修西門外石橋約費數百

金

六安州志

沈楷六安人有借貲貿易而被盜者情急投水楷救之詢得其

故以百二十金贈之歸朋友戚族之閒每捐財穀以助

六安州志

沈鍾宇兩岐六安人以行伍擢巢縣外委歷官護理廬州營都司乾隆乙巳巢饑辦理賑務單騎徧鄉井親給戶口吏不能欺巢人咸頌其德有奇其才欲黜一武弁而以其職授鍾者力辭不受人高其義

六安州志

劉戒隱六安諸生孝事父母撫育孤姪捐祭田立家塾助婚娶有鬻子婦者爲全之歲歉捐金數百兩助賑

六安州志

趙敬承六安諸生撫育孤姪教養備至嘉慶甲戌歲饑命孫秉彝首倡捐銀一千兩議敘九品銜卒年八十四

六安州志

晁廷燦號樸菴六安庠生性好施建橋助賑知無不爲晚析產給子而存一於公爲義田以所出爲族人教養之貲子載策戴簡載興踵而行之乾隆乙巳捐銀一千兩助賑孫尙仁尙忠等

又廣其志捐置祭義田地等共銀三萬六千四百有奇嘉慶十

三年

旌表建坊

六安州志
以上舊志

余蔭遐霍山人州同其先監生余天遜乾隆年獨修學宮門樓
費千金蔭遐偕族人續修之親族以困乏告者各如其意去捐

祀田培祖墓費輒千金

霍山縣志
以下新修

何定六安監生嘉慶甲戌咸豐丙辰兩次捐穀賑饑每歲施衣

食濟貧終身無閒又監生李國詔劉仁昌並於嘉慶甲戌鬻田

賑饑有因荒謀欲棄婦者皆厚濟之

六安州志

王灝六安人道光中兩次賑饑存活無數修橋路十餘處

六安州志

黃世文六安人兩次歲荒施棺木義地建宗祠修橋梁

六安州志

舒堯文六安人建宗祠修支譜客亳州拾遺金還其人

六安州志

段祚論英山監生旅宿被火傾所有給其主家又於路拾川商

遺金三百還之

英山縣志

段芳燦英山監生拾遺金三百還其人

英山縣志

沈士粲霍山人拾百金於道候其人還之

霍山縣志

劉士埰字上玉霍山貢生建橋設渡濟困扶危有昏夜攜千金

求寄者越十餘年還其人封識宛然

霍山縣志

汪興棟霍山監生貿易漢口嘗拾百金守而還之道光癸卯咸

豐丙辰饑賑濟千餘人

霍山縣志

葉時昌霍山人有負官項將賣妻者出銀解之

霍山縣志

左源六安文生客淮上有鬻妻者如其值與之俾得完聚族親

待以舉火者甚多

六安州志

江天鐸六安人州同銜有鬻婦者贖歸之每歲終施散寒衣修

路設渡并置產爲歲修費

六安州志

彭共和英山人有楚中孫姓女勾食詢知夫赴四川其和屬養

於鄰媪專力入川尋其夫歸

英山縣志

劉之芬霍山人鄉里告貸無不應有不能保其室家者贈銀完

聚之

霍山縣志

江毓珪六安人捐設渡船以濟行旅子永溱等復捐田爲續修

費

六安州志

江文習六安人州同銜歲旱捐錢一千六百緡賑濟子學優遵

父志遇歲饑必運米平糶流波隴義渡亦捐有資產

六安州志

袁介臣六安人歲歉捐資助賑鄉里請上官旌其廬

六安州志

張文學六安人罄畢生傭工資助修橫排渡

六安州志

洪香泉六安貢生咸豐初捐資募勇保衛鄉里出穀六百石給

難民賊踞舒城倡義助餉六年歲大旱輸六百萬金賑之復捐置

義地二所

六安州志

胡長壽字中祺六安人候選同知備有潘氏婦夫以三十金幣之壽給資如值遣歸每荒歲及良時節輒微服出遇貧苦者給之甚厚又施藥歲費千餘緡弟長運候選同知宿旅舍有遺百金者守候數日客尋至還之

六安州志

鄭昌寶英山附貢祖本超捐田課六十石爲生童試卷費昌寶與弟昌齡復捐四十石充之昌齡子監生光籍助修宗祠百金

又出數百金爲房叔置立祭產歲疫施棺百餘具

英山縣志

鄧林棟英山貢生嘗招貧士捐資教育之歲暮施衣粥

英山縣志

沈詩俊英山監生置祀產三百石入祠捐百五十金修瓦涼亭

路數里

英山縣志

段芳悌英山監生捐義渡田課三十餘石錢四百千又輸田課

二百餘石入祠助試費課三十石

英山縣志

石達銘霍山人少孤年十七主家政同居七十餘口數十年無

閒言置祀田捐祠產設義渡千金無吝修學宮用祖儒藻名捐

錢千緡

霍山縣志

黃繼舉霍山監生歲荒貴糴賤糶賴生活者數百家

霍山縣志

黃繼瑗霍山監生拯飢寒濟困乏施棺散衣數十年弗衰

霍山縣志

董明世霍山人歲饑出穀五千石助賑

霍山縣志

余志迴霍山增生解囊息爭孤寡賑窮乏數十年弗衰邑修

學宮書院文峯塔皆捐數百金

霍山縣志

熊之仁霍山人捐田助建雲程館設船管家渡并買田為歲修

橋梁渡工之費歲荒減價平糶

霍山縣志

余其椿霍山監生修族祠建書院立義倉聚義保俱不惜費

霍山志

縣志

袁其惠霍山文生戚里有貧乏者開濟之本邑工程義舉前後

捐千餘金

霍山縣志

吳廷桀霍山人國子監典籍親族貧乏月給錢米數十年遇公

事賠累多金悉歸美先人不以自名

霍山縣志

鄭逢霖霍山人粵匪竄境避亂霖家者數百人計口給糧儲積

以空咸豐七年饑復發粟濟貧全活甚眾

霍山縣志

彭恆超霍山監生修學宮建書院設義倉造文峯塔共捐千餘

金邑西太紫廟曬稻石兩處爲英霍通衢費錢五百緡修理平

坦

霍山縣志

沈賢禮霍山人修橋梁平道路歲費數百金族戚有貧乏者日

給錢米歲終製棉衣散給

霍山縣志

高順六安人傭工於鳳臺李梓林家壽州城陷免梓林於難而

已死之

鳳臺縣志

程錦耀六安人爲廉賈臨財不苟鄰人文姓兒與錦耀季子戲季傷目而斃家人將訟之錦耀與妻皆不可曰彼子母孤孀奈何以兒戲絕人後事卒寢

徐子芥撰

泗州

吳臧均臨淮人諸葛恪旣爲孫峻所殺均表乞收葬於是亮峻

聽恪故吏斂葬之

三國志諸葛恪傳

明孫仁天長人

按泗州志云泗州人

家饒於貲值歲荒百姓負官租千餘

金仁慨爲代償

江南通志

蔡彥平盱眙人正統四年歲饑輸粟一千五百石助賑同邑漢

榮正統五年饑輸麥豆一千一百石李記子輸粟五百石並旌

爲尙義之門

盱眙縣志

蘇旺蘇智蘇閔朱文玘俱泗州人正德間山東盜犯境旺兄弟與文玘糾合鄉勇挺身迎戰各手刃數賊尋以賊眾力窮遇害

知州義而祀之

江南通志

閔寬盱眙人嘉靖三十六年倭寇犯揚州由天長劫掠至義井東山守兵潰署主簿朱文領民兵禦之爲寇所乘墮馬寬獨奮擊突陣翼之而歸

盱眙縣志

戚杰字世秀泗州人年十七登嘉靖乙丑進士歷擢吏部考功郎中杰少聘花氏女未婚而替及登進士婦家請易婚杰不可

曰夫婦倫也疾廢命也吾不娶將安歸

江南通志

姚光裕盱眙人萬曆四十七年饑捐穀六百石助賑旌爲義門

肝貽
縣志

李維楨肝貽人崇禎十年流寇猖獗兄維藩被砍傷維楨赴救

力不支而死妻仇氏與三子俱被害

肝貽縣志按此當入孝友舊誤未及更正

張威天長人僉事張昊之僕昊征姚元洞蠻為賊所執昊曰我死國宜爾汝可亟歸威曰主不歸我何之賊刃昊威力拒之遂

支解死張氏世祀之

江南通志

胡世富天長人崇應第之僕應第少時嘗出遇盜被執索金世

富紿之曰金在我橐執彼何為應第遂得脫盜從世富索金不

得遇害

江南通志

王秋天長人王應芬之僕應芬遊粵嶠得疾秋籲天割股進之

得愈

江南通志

辛安肝貽人嘗拾遺金守其人還之又造義渡贖鬻女善行甚

多同邑沈禮杜翰汪憲孫鉉俱以還遺金聞

盱眙縣志

國朝潘士吉天長人明季揚州殘破有掠其子女至邑者士吉遇

則買而歸之其無歸者撫之如己女長爲擇配嫁之年七十二

預知死期出一帙屬其子曰吾初願行善事一千件今僅得七

百五十件汝勉爲吾補之如其數則焚此帙也聚親朋言笑而

卒

江南通志
天長縣志

王三汲天長人家貧事親孝親歿茹素三年有鬻米於三汲者

誤遺金於米中三汲迫而還之

天長縣志

江仁宇泗州人孝子之湘父也性好施嘗於淮陰捐三千金助

賑漕督以仁施淮泗四字旌之

泗州志

喬璧泗州衛庠生康熙閒捐千餘金建石橋於洪澤古橋之東

置茶亭其上往來者德之

泗州志

張辰盱眙庠生祖父俱以行義賑荒名康熙四十三年山東河南淮徐等處大饑流民過盱眙辰出米三千餘石賑粥五月全活數萬人

盱眙縣志

李旭盱眙人捐銀二千餘兩代邑民完雍正元年二年糧欠又嘗修橋焚券義無不爲卒年八十八

盱眙縣志

胡世瓚盱眙人率子守謙從孫銑捐資一千三百兩重建王家

集積慶橋

盱眙縣志

艾仲學盱眙人路拾遺金四十兩守其人還之

盱眙縣志

張汝器五河諸生乾隆二十一年饑捐米賑粥救活萬人四十

年其子永臨又與諸昆弟公捐大興街房屋一區爲節使行館

五河縣志

閔居勝泗州虹鄉人喜施予時有閔善人之目年四十無子病

絕復蘇連生三子益篤於爲善壽百二歲

虹鄉志以下新修

朱建岐泗州監生道光癸巳大稔與朱觀光捐穀五百六十餘

石咸豐三年觀光復倡捐穀七百石

泗州志

楊萬選盱眙歲貢友人王兆棠病亟託以遺孤爲之經紀其家

嫁二女課其子爲諸生

盱眙縣志

許鳳泗州虹鄉人建宗祠置義田捐修城垣書院歲饑設廠施

粥

虹鄉志

謝於仁泗州虹鄉農人鄰里有急求無弗與有行人失銀十餘

兩詢其數如數予之

虹鄉志

毛澐天長人理問捐田二十四石爲石梁書院膏火建縣東門

董家橋丫口鎮萬安橋葺黎孝女墓買地以擴之

天長縣志

張國芹天長人修護城橋南門大橋龍王廟及學宮東南之筆

峯樓不惜千金

天長縣志

戴百壽天長貢生成豐六年大旱出米平糶督率團練保衛鄉

里積勞卒

天長縣志

楊玉琳五河附貢歲歛貸資濟人至負債千餘金

五河縣志

張公積字秋陽五河文生訓後進以孝弟待戚里以至誠精醫

理著手輒效然不受人餽遺

五河縣志

邵雲鶴五河廩貢教諭縣南鄉歲有水患灣田尤甚道光二十

八年雲鶴與文生易邵園等於黃家溝金岡築隄壩以禦之咸

豐二三年稱貸以濟饑民八年擊賊於蘆塘走之同治元年卒

五河縣志
五河續冊

張芝華五河人七世同居

五河縣志

劉氏義僕某天長人劉家於秦欄鎮爲仇所害時劉妻生子方

數月未能申理僕義憤代控置仇於法經理劉業佐幼主成家

僕卒劉世祀之

天長縣志